



2

奔州山人四部稿卷之十五

吳郡王世貞元美著

詩部

五言古體五十九首

自燕中来者云斥逐輕薄朝士殆盡賦此解嘲
叱羿射狂日令媧補漏天千秋絕至技萬象橫妖躔
問我今何適吞聲滯窮邊問我何名姓碧玉琬琰鐫
上帝有美臣戲博太山巔爭道誤一叱中讒墮風烟
臨岐酌沆瀣渴吻三十年月為琉璃盃星是黃金錢
小兒東方語鄉里驚不傳一字猶未識調笑司馬遷

左氏盲老公齷齪諸侯編插天昭王臺至今在幽燕
 扶策往從之飛翰獨翩翩魚服悞白龍豫且嬉廣淵
 一為湛朱網蛙黽遂來牽驤首叫閭闔七萃俱茫然
 西入鷓鴣司慘淡白雲篇何來四五人自稱俱謫僊
 其魁廣成子安期或偃佺恂况識其故昔者上帝前
 托陪瑤池飲歸共青輜駟悟來忽大咲靈氣生五咽
 豈無堯離樂不得誇喧闐高歌灞陵畔落日珊瑚鞭
 酒間呼白雪片片下瓊筵四海水四勺五嶽五石拳
 且移華陽席改就糟丘眠一言闕突兀萬目紛眈眈
 猛虎欲嚙人不肯避豪賢腐鼠豈入眼鵝雛遇鷹鷂
 執戟鬢垂白巧宦笑其玄舉世逐狂且南威故不妍
 頭顱無凡骨不愛挿貂蟬君自吹胡管我自挾朱絃
 請君勿相忌君亦勿見憐但令放之去歸種南山田
 野夫事真宰肯受時人權

醉贈故張職方重

匈奴十萬騎席捲燕山紅羽檄天下兵誰能辨英雄
 張侯尚書郎個儻國士風還他惠文冠佩我烏號弓
 匣中吳鉤色燁燁青芙蓉三晉俠少年結束花驕驄
 一呼萬衆合片語千金空還遷縉雲氏上計葡萄酒宮
 頤指金吾帥長揖司馬公畫地作黃河波濤起其中



原件短缺

挂冠神武外買田平陵東七首鑄腰鎌吹憤氣成虹
我本落魄人衣帶緼其躬相携一斗酒醉眼天朦朧
擲君牛角書莫令我輩逢請看長安道功名誰得終

過東阿懷古

步出齊東門遙遙飛車塏荒城闕睥睨外與顏垣會
榛蕪侵周道烏雀驕有賴佇想英王風凜焉今安在
千秋阿大夫當時偶一敗茫茫長安日歸歎欲誰待

方子出示吳徐二子詩有感

二子吾詩南蒼茫散星斗招提終天淚萬象俱頽首

丙辰春別余如何雙驪珠熒熒落君手虬虎攫春冥
報國寺中

投分報公父裁書謝阿游方駕騁天衢執鞭如可求

毋使跼足鳴重貽伯樂羞

過故陸虞部第有感

昔余奉使還兩飲虞部家虞部三郎君各各闔豪奢
初筵行大白邀我醉梅花此梅十畝陰老龍吐嗟呀
酒酣吹鐵笛萬玉亂橫斜落月參黃昏咲上白鼻騮
再醉牡丹亭春光益繁華斗大頰金盤朶朶壓紅紗
疑將并州刀碎裁洞庭霞珊瑚續夜照不惜鞭日車
此樂難數得徃徃逢人誇轉盼不十年陵谷忽遷淪
牡丹剗食馬老梅斧為薪東風依舊吹惟見菜甲春

額是虞部額人非虞部人中有刁家奴濁氣搏秋旻
虞部昔肺腑况乃手足親一為并吞念百巧日夜新
二子散他州長者委黃塵問主既已非此梅安足論
歸來見兒豎驕駭不能馴撫心長太息惻愴涕沾巾

夏日村居有述

江村養余懶頗不病幽獨維時仲夏初長天氣清淑
野人太無事自起為約束凌晨盥嗽畢叩齒三十六
始澆庭中花次洗屋後竹薦麥欣及新分葵味餘馥
弄筆南牕下醉瀟憑淋漉金石四五編騷雅一再讀
吸澗煮茗旗松聲騰波綠小啜清颺來塵襟淨於沐

課童抄酒經進客命碁局樹影俄已圓厨人報藜熟
飯罷何所道出門信其足扶耒古隴傍垂綸清溪曲
維東有蘭若經歲可游目隨意手一編無煩證耆宿
斜陽語來下炊烟布平陸及歸尚未暝蓬湯芬初沐
涼髮風衡門明蟾破茅屋有友二三人非雅亦不俗
勸酬久已荒七筩肆所欲醺傾若下酒杭汎宜城粥
恍忽塵外語星河莽相屬瑜枕竹方牀湘文簟如玉
中有騰騰鄉容吾便便腹緬懷康莊士聲勢迫驅逐
紅塵沾襪襪白汗脂炙轂所得仲孰多百年亦良促
寄言斧斤者吾甘不才木

王生近詩爽然有天際真人想乃父沂州君濡
首吏牘俱所不曉賦此贈之

我昔偕若翁共醉燕山月寒飛雙疾羽驚風散倉卒
回首秋色中白雲陶余悅半刺足翱翔誰能念汨沒
落日瑯琊臺蕭然映華髮豈伊尊鱸興不從步兵發
識爾汗血時英聲動長安十年偶一見握手聲所歡
逢蒿仲蔚地山水伯牙彈天墮五色霞赤城僊人餐
吾子忽啖之齒頰俱清寒太湖水淺深要我弄魚竿
昨夜腐鼠過鶴雛了不看仲尼畏後生余亦慚先爾
毋作一丘觀丈夫志孤矢大鵬戢兩翼黃雀不知止

寄聲招若翁早訪雲壑裏子其息南溟九萬從此始

邵子攜同年袁魯望詩來乞贈尊甫守中先生

之作輒嗣響焉

凌晨叩門者翩翩一佳士鬚眉映初日清波溢其齒
為余語若翁少頗習名理種瓜東陵陌賣藥吳趨里
迨乎耳順年遂三丈夫子子既饒青衿翁乃傲黃綺
憶昨上壽時臺使致筐篚門有守令轍足無公庭趾
上客陳珠璣錯落照翁几袁羊古遺狂其言當不靡
顧余亦有作要為後期耳早晚春花開醉翁三荆底

與松上人

昔我游叢林頗與耆宿伍彈指百千偈縱橫藏中語
自謂得寶珠有取無不與今來謁松師一語不得吐
乃至欲吐時忍然汗如雨回首青天空荆棘皆淨土
持此擬叩師恐師竟無許

讀汪襄陽作顧季狂詩叙有感

昔我游燕山宗李中所私高歌命白雪片片縱橫垂
醉新華陽館坐見青天危狂語兩相厄寧容世人知
顧生業游者一再侍酒卮風吹浮雲散信意南北馳
契濶幾十年聞頗豪於詩矯矯汪襄陽握手惠前綏
謂余舊有贈迪功乃其師左袒在中原江左良見嗤
自余遘家禍戢身一茅茨名姓落人間誰當齒頰之
寄語謝襄陽勿令豪傑窺吳門饒俊彥詩卷日追隨
莫言秦越人為秦作兒醫

案頭蘇詩一編偶展讀之有云龍鍾三十九勞
生已強半歲暮日斜時還為昔人歎公倅餘杭
日作蓋取白樂天語興感也此公尚為搖落語
吾輩寧無窮途之慟因成一章兼示舍弟雖然
公兄弟名位穹顯晚節各天而吾以早廢棄故
相守田畝間差為優耳他固不敢較也

偶誦蘇公詩龍鍾三十九身猶一方佐名滿天下口

伊余射策年與公頗先後雖忝大夫列六載歸南畝
人間失意事所歷無不有多岐夢猶惴百煉心欲朽
雌黃墮齒頰雄白空知守西風傲短褐居然成野叟
流年蠹書卷殘日漁杯酒用禪文寂寞塞兌防穢嘔
齋前種白楊蕭瑟鳴虛牖顧謂吾季方吾言汝知否
今古伯仲名無出蘇公右風雲壯接翼天地老分手
躑躅瘴海間能無歎不偶萬事吾敢如一得頗無負
蓼莪固永廢棠棣幸終友去去入吳山相攜共白首
虎丘老僧有竹林精舍文伯仁為圖之王履吉
書疏於後余游竹林僧出示此卷履吉下世已

三十載矣為之憮然因成此詩

山僧業靜者脩然無世氛朝疏淇澳雨暮浣瀟湘雲
老可湖州筆為竹寫清芬況有王子猷英標冠人群
自言讀書處何可無此君我來憇其下流颺散餘醺
其人不可作太息讀遺文新粉含幽月蒼翠鬱紛紛
截作山陽笛淒涼安可聞

題趙千里畫船子和尚卷後

秋江戰寒飈一葉縱橫走船子有伎倆舵柄時在手
借問自渡者還能渡人否

題募緣卷後

聞欲創招提藉衆檀越力而我貧里人翻乞常住食
所餘唯一物無價亦無色念欲施山僧覓之不可得
陸仲子爲其友索題雲洲即以塞白

白雲不須山滄洲不須海所以吏隱人跡混心不改
浮沉任波色舒卷依天籟寄言采芳者杜若青猶在
王山人自稱十嶽先有二詩見寄極國士之許
千里命駕曾未淹日欲留金陵長篇見貽拂衣
北首聊此和贈

鳳鳥摩青天片羽飛東海却墮七尺籬鷄目熒然改
得子頷下珠夜必吐光彩綠醕驕必吟鳴青燈耿相待
不謂雙垂楊果繫出剡舟野夫雖稱病爲汝梳白頭
沈沈薜色夏忽起商飈秋特達壯士膽未許黃金酬
謂予九州外當復有九州男兒志五嶽逝將十嶽游
酒間叩所適泰岱曾入手馬跡重雲巔鷄聲浴日後
狂扣玉女盆中原散培塿自攬烟霞色語語不離口
十嶽天中外子尚餘其九寒暑煉玉容去日各非有
昔予讀損益亦復思名山晚師維摩詰旦夕栖衡關
縱橫千界表乃在禪指間笑攀青蓮花歸挿玉女鬟
奚必策重蹀後後勞心顏我語雖大佳聽之了無答
杯酒散城烟孤帆凌超忽唯餘留別句擲地金石發

後夜倘見懷長江弄秋月

贈奕者程生

世才不可盡豪鷲爭輩出國手何縱橫令我難甲乙
李生自燕京雅與顏鮑匹飄然來江左百戰不摧一
驚電隨指生堅城望風失竭來得程郎少年美清揚
所遇無上駟雲蹄鬱騰驤及乎與李角賈勇不可當
李如李將軍部曲神飛揚程如程衛尉號令嚴秋霜
為李固左袒推程亦軍冠銅池垂楊側隱若闢楚漢
程雖近巧遲徃徃詰玄觀落子黃葉深收枰燭花半
吾日殊有餘毋乃樵斧爛

楚臬陸子還吳

仲宣久厭楚李鷹忽悲吳挂冠北闕下散髮南山隅
笑謂武昌魚何似江東鱸余豈塵世人偶然發耕鋤
八月涼風生白雲滿江湖但從最深處覓有王生無

題孫君竹鶴齋

緱嶺既云曾夾池亦以徃詎若過君齋悠然令神爽
玄颺逗幽窾白雲團虛幌瞻澳來遠姿鳴臯流清響
葱蒨承露碧嘹戾排空上匪由乘軒羨庶諧君子賞
高詠遂初篇振衣發遙想

信陽王子祖嫡過訪王子能文章談詩而不飲

酒

汝穎足名士燕趙饒悲歌此地忽遇爾不醉當如何
君自銀不律我但金叵羅咲謂千秋業所得仲孰多
流徵雜清商大陸揚素波明年一匹練倘訪青山蘿
周生為亡友王子館甥頗有淪落之歎愴焉念
舊為贈此詩

憶從維揚楫風塵失而舅幸餘延陵諾不墮孝標口
玉猶當日潤璞更何年剖惻愴今昔言乾坤重回首

題霞川卷

高齋傍霞嶼川光時復暝浮天自五色含颺忽千片
陸離媚初旭窈窕橫晴嶽文魚欣欲上遙鶩孤難辨
為語謝臨川如綺復如練

贈石給事拱辰

烈士嬰逆鱗豈在明月珠念欲醒睡龍潤澤四海枯
我逢石中郎白皙好丈夫韶年入青瑣玉樹含冰壺
氣塞指鹿臣願行斬馬誅封事八九條一一社稷謨
雷霆橫白日人鬼在須臾九關虎豹號魑魅亦挪揄
一為蘭生叱萬髮立頭顱搖摘紛下來血肉頓糝糊
君家鐵如意欲碎紅珊瑚微賤何足言母乃 聖德
渝昨窺中興詔坐見海宇蘇惜哉反掌間迷陽胷天

衢豈不願良臣良臣不易圖構茅漳伍傍天錫萬死
軀朝與牧豎出夕歸樵父俱貧無南山田足挂牛角
書余本骨體人為君重踟躕男兒未蓋棺各自智其
愚宇宙大茫茫努力愛前驅

下彭城而南微雨即事

稍盡彭城山悠然見清淮微雨雖沾衣能令山色佳
出沒前後旌浮雪時與偕濁酒兩三行聊以佐歸懷

莫公遠移居武林

臯橋無舊業吳閭多少年白眼冷相睨青衫凋自憐
以茲掉頭去鼓楫西湖邊幸逢邨北海為營刻下椽

復從王江州乞取酒家錢朝劉靈隱雲夕卧南高烟

笑指飛來峰共汝兩寓賢失意則蓬累且誦逍遙篇

答贈張叅政欽伯

君時由諫垣出分部金華

昔領金華省今治金華部去携香案烟來作冰壺霧

金華洞名

君身自僊骨世豈知其故蕭灑八詠成悠然片

鴻度汀際白蘋秋江東彩雲暮吳興差卑小馬足當

君慕最後蓬萊僊此語聞白傳

濟川篇為太醫邢先生題

在佛說法時藥王為導師太乙操蓮葉下救人陆危
儒用久寂寞其功或明醫邢子利涉才托跡在黃岐

朝飲蘇橘井夕飲長樂池江陰十萬家家春風吹
餘波來惠吳起我北堂慈傳楫吾所難清泌可樂饑
彼哉問津人愧汝濟川辭

華婿水部病起赴官

衛郎別我去玉立秋風前自無膏肓疾不待彥輔痊
觀潮壯起色策馬薊門烟金掌出層霄零露正織圓
乞取芙蓉杯歸壽蓬萊僊大江饒白雲南望更依然
我期臨邛令春江候樓船

送沈九疇還四明

曩時四明客倜儻能文章揮毫寫秋色眼底天茫茫
家多渥洼種白眉矜最良今朝逢阿咸果勝步兵狂
咳唾出珠璣半落奚錦囊抗手別我去孤帆渡錢塘
倘成郊居賦須寄王中郎

有上人者號景峰意為念其師也乃至作圖日
寓目毋乃執有乎為成數語聊以示規

石不破名相此圖空在卷譬如阿閃國一現不再現
若破名相盡無見無無見百億須彌峯峯峯入師眼
余本峯中人焉能覩峰面倘師為豎拂翛然已忘辨

寄題張伯子父園

春至三河陰百卉皆悅懌主人何為者席花讀周易

母為閔其口相與成麗澤

仲子兌池

仲氏日規池泓渟復清泚蘋末異二風斗間天一水
滙為感山澤青山在其底

叔子兌亭

宛宛帝女雲疑出巫山岫過君草玄亭芊眠入牕牖
便能呼季雅相與賞此否

偶成齒髮吟作長慶體示伯龍子念君載

髮白况乃寡齒痛行復落此事當漸來委蛻偶先覺
觀電等浮榮嚼蠟如好爵馳思佐墳典策勳播寥廓

其名在千古真識久冥漠先民有遺言及時當行樂
稍徃忽已空未來疇能度營為醇醲腐精恐佳醜鑿
惝恍出世言渺茫長生藥成證聊自暖齊物終妄作
事事能悞人破了亦無着語罷當更愁愁來又成錯

四瑞卷為顧母題

朱明吐南極群禎時輻輳上元捧玉觴王母前稱壽
三花復加一叢芳仍再秀何意謝庭榮翻為顧家婦
盛子時泰過訪有贈

盛子金陵來語語甘小巫能令陸平原不敢賦三都
綵筆健秋鷹錦囊壓奚奴暮尋華陽館眼醉天糝糊

莫逐時名去人言多自誣

江黃二州謁白尚書蘇端明祠有感

白傳佐潯陽匡廬落其手蘇公謫宜黃游踪寄樊口
物情豈相為天意良不偶揮淚對青衫垂腰厭黃綬
是時二公年四十加八九飛騰在俄頃綸綍相先後
而我同茲歲楚憲起南畝却顧所佩章叨竊慚已久
椒漿薦落日餘瀝自為壽髻年弄筆墨老至忘其醜
頗諳遊戲禪更貪聲聞酒別業婁水傍歲功良亦厚
園多履道竹門種杭堤柳功名善惡人人生好自負
造物亦苦慳安能令多取真樂隨形無虛名背身有
洛下醉朱唇天南搖白首明年定挂冠不蓄趙瑟婦
以此叩二公公其默許否

贈李方伯師孟

李君與余交好素矣庚午秋余忝晉臬君寔
佐之尋以大叅代余吳興部今年余起家楚
臬過君里為酒竟日亡何而遷廣右藩伯則
君所解之綬也然余乞休疏已前上矣感慨
之餘因成長句為贈

余昔游太原賴君佐提刑有酒不孤嘗所吐皆蘭馨
北風吹晉祠水作涕淚零及余吳興政舊刃發新硎

平陽許畫一臨淮實精靈起家再游楚值君方錦停
謬脂嶺右轄是君所遺駟官自雪鴻跡人如大海萍
吳越代兩政晉楚若一廷生平易解官各若秋夢醒
更有大奇事我談君試聽太湖五百里中有兩洞庭
洞庭八百里中一君山青爾我對長之澹然雙客星
欲造即馭風雲車會青冥安能傍塵世蠅聚襲臙腥

幡經臺

西望幡經臺蕭條欲非故陶令呼不來謝監推不去
遠公旣以遠茲意疇能悟

三笑亭有感

昔聞虎溪咲謂已契無言及覽般若願猶覺有待煩
青山不點頭白蓮腐其根淨土何必歸况乃思鴈門

答與繩太常

故人尺一來字字皆肺腑謂余老善醉醉復多泄語
甚醉解傷生泄恐終悞汝幡然指其口汝罪髮可數
柰何司出入廢職媚其主興至不我卻機發不我阻
口拜前致辭公言胡不倫趣死且百岐豈必盡飲醇
不應北印土日日埋醉人籍令畏語泄獨酌仍杜門
在耳不在舌可掩不可捫耳聽復大笑惜官重於身
何如歸去來小酌松醪春耕釣一二翁杯竿三五巡

小酌不損神小語不汨真珍重故人札賦此等書紳
助甫稱疾以見父出訪真陽有贈

鴻冥方自歎玉立見吾子離憂小語失往事深杯起
僧彌固難兄萬年那可死努力各加餐聯翩當此始
贈不二和尚

苦無道民好披緇禮遠公勞師破吾執所破隨亦空
飯罷了無語趺坐蒼山中

贈范了髻

一瓢更一杖此外都不聞瓢還潁水月杖付葛陂雲
揮手參山頂却笑洪崖君

為李負外悼亡

矯矯雙鴻鵠羽翼忽已分豈不念佳匹飄然辭濁氛
君子悵獨晤媿人曠何群雜珮空瑤響流蘇陳綺文
清心餘玉映麗質罷蘭薰非幸莊生達尚挹荀令芬
徵歌惜傾國流夢為行雲去來杳難跡矐昧况有聞
亮無排空馭毫素表殷勤

挽歌序

在昔文章之士多不待年崑岡一炎併命玉
石何者良以洩造化之精則真宰默仇奪人
倫之標則物情自忤錄古逮今徃徃齊束薤

露蒿里虛分貴賤一杯之土何所等差挽歌
愴極平原達稱彭澤然不過歎生平之不足
悼大冥之無終而已彭澤龍蛇可謂實境平
原鶴唳竟成虛談至於文舉長寢希畢萬事
靈運忍痛送心正覺中散顧影復侯怡色驅
使大雅以豁至怖雖稱澹度難謂脫離今戰
鬪淳鬱棟棟焚如天柱地維潰折至再而僕
方蹈唯谷日虞觸藩若使展轉河清從容牖
下便當乘理而歸與化俱盡復何悲哉是故
預探所遇以待叵測聊為三歌見聖賢莫度

之限雖變亦常耳

丁巳歲識

昭昭天宇日倏忽墮虞淵如何盛年子光彩中棄捐
白日當再晨逝者不復還素旒紛前發迫我嚮重泉
華棟自雲浮甘此七尺棺子弟來相餞餞罷各言旋
平生所著書徃徃留心肝妍蚩他人口已自不得言
束髮悟生趨徃復雜憂患但言身日短不覩身後先
仰問巫陽師安能為我權

其二

丈夫事四方魂魄戀故鄉今我胡為爾委命付窮荒
臨歿辭明去親知不在傍寸桐為我車腐革為我裳

金州山人稿 卷之十五
十一世終堂刻
魑魅為我御瘴霧為我糧
螻蛄司門庭青蠅來吊喪
鬼伴群侏離與語不能詳
道逢司命君示我返魂方
長跪告司命生人多患傷
不願復為人但願長徜徉

其三

甲兵冠天來朝野靡宴寧
背親為王臣馬以辭國殤
青霾吹蕩翳金鼓慘不揚
貴賤併一時顛趾委沙場
日暮輪蹄盡烏鳶來啄創
有手不能驅有目無精光
朔風吹朝夕枯骨漸堅強
家人具衣冠延我之北印
羽衛駢驪列空為存者倡
兩地竟誰真千秋浩茫茫

傷盧構

北風摧松柏下與飛藿會
詞人厄陽九盧生亦長逝
桐棺不斂脛寄殯空山
寺螻蛄與烏鳶耽耽出其計
酒家惜餘召里社忻安食
孤女空抱影寡妾將收淚
著書盈萬言一往恐失墜
唯昔黎陽獄弱羽困毛鷲
幸脫雉經辰未滿鬼薪歲
途窮百態攻變觸新語至
詞場四五俠徃徃走餘銳
大賦少見賞小文僅易醉
醉後罵坐歸還為室人
詈我昔報生札高材虛見忌
自取造化餘何關世途事
嗚呼盧生晚竟無戢身地
哭罷重吞聲皇天有新意

張幼于廬墓

舟州山人稿卷之十一
遙望白華山山石鬱嶙峋中有白華吟吟聲何悲辛
之子懷永憇結廬在丘園荆榛初往蹊松栢自成鄰
念被長夜臺痛此百歲人揮淚循脩壠高慟逮蕭晨
晨猿無停和壠草不易春悲風吹北陸慘日就西奔
重冥稀生搆九陌絕幽輪音容曠不接志意邈難伸
朝露夕自霜暮蘭日為薪悵結令中耗安能延子鬢
非虞仲舉謫冀全嗣宗真弧矢度可揚竹素將不泯

九松篇

寒色無早莫玄岡翳重陰連蜷九松樹偃蹇不成林
上有含哺鳥喙血正泔淫念欲書旦哀啼彈射恐見侵
存為沒者身沒為存者心街土塞東海洪鯨波浩沉沉
一彈塘上篇再彈履霜吟我欲竟此老灰絃絕多思音

會葬故陸丈吉孺

生世僅卅載旅殯二十春落日射空棺孺宇盡為薪
今朝一杯土始得返於真少婦竟華顛交友半已陳
長衢連交鞅歌哭遞相因神氣無不之焉問踈與親

其二

游魂久已逝歸魄從此始玉樹埋土中恨恨不能已
秋風憐空素悲音緣誰起卮酒飯一盃寡妻代為子
有友三兩人聊與歌蒿里芳名良何益空塵世人耳

遣吊盧柟墓

昔騎紫驊翩翩游魏都
綠醺呼明月踉蹌墮冰壺
倚醉別盧柟春草十二枯
腰間黃金魚久逐酒家胡
魏節重入手雪亦侵頭顱
盧柟化為土遺骨知在無
兩女勝才人下嫁廝養徒
中原散遺集歷落照乘珠
薄醪指焦峽若教奪汝舖
風吹英雄淚忽與千秋徂
倘遇穰正平狂鬼晚不孤

哭王樛全茂才二首

才似習鑿齒摧殘稱半人
廢同殷淵源咄喏歎踈親
到了力輸命兼之憊與貧
長歌士不遇為爾重沾巾

其二

五鬼燒車船得志仍跳梁
二豎畏針砭挾笑走膏肓
書淫不成療筆塚聊並藏
古今失意事不敢問穹蒼

悲七子篇

隆慶壬申初冬梁禮部思伯以使事訪我還
南海明年萬曆改元六月余之楚臬過吳門
文博士壽承喪歸自燕余往弔傳雲間何翰
林元朗物故尋訪陸少卿子傳以疾不能出
見許太僕元復送余閭門王茂才君載至楓
橋沈山人道禎抵金山乃別未幾得家信君

載別余之次日暴卒尋馬憲副某以元復子
傳訃來余遷嶺藩還抵九江遇張生復以思
伯訃來馮叅議某以道禎訃來蓋四月餘而
六人者次第逝併壽承七矣夫七人者皆風
雅士也後先與余游好乃不半歲而盡失之
能令後死者無戚戚也舟中小間每一念及
輒為神盡不勝子桓鄴中之歎遂成一章以
當一慟云耳

文翁信其真履坦物不隔許老初耿介晚負長輿癖
通蔽雖互妨典刑尚可則元朗業任俠聲酒恣所適
翩翩梁公子養交不忘飾子傳青雲姿杜門事探索
如何中天謫病使心志易沈生慕落拓王子工便辟
此曹富詞源兼多善酒德年命一朝傾轉眄成陳跡
奄忽鄴中論惻愴山陽笛神往形隨散人生非金石
逝者不須更存者亦瞬息安能使不悲長悲竟何益

弇州山人四部稿卷之十五

弇州山人四部稿卷之十六

吳郡王世貞元美著

詩部

七言古體三十四首

寶刀歌

予十五時目不知詩會經師駱先生為人作
 寶刀歌戲以漢字命韻予輒應曰少年醉舞
 洛陽街將軍血戰黃沙漠先生大激賞謂子
 他日必以詩名予謝不敏又三載舉應天薦
 將計偕有鬻刀者因據舊語補之存一時故

事耳不必計其詞之工拙也

昆吾精鐵光灼爍不論風胡手中作涪江水淬明月
寒漢冶風迴赤蛟躍鋒尖七曜隱芙蓉匣裡雙環吐
龍雀少年醉舞洛陽街將軍血戰黃沙漠記取銜恩
一片心扶君直上麒麟閣

吳節婦吟

時節婦以秦氏子為後

秦家女吳家婦東風吹折連理樹霜摧樹枯凜如故
吳氏子秦氏兒東風吹長寄生枝但令枝盛何足悲
兒能成名孫復顯吳家鼓吹迎旌典五十餘年影語
身青燈白髮不知春九泉下見夫君面猶是當時執

手人

竹牕歌題同年周叔夜父卷

主人卜築松江曲數武茅齋一牕竹主人之節清且
素况與此君共朝暮嬋娟感拂搖曙烟主人自為汲
湘川寒飈夜雨天籟發主人行歌互相答踈影歷歷
蔽珊瑚入簾翠色秀可餐主人為主君為客倦鶴閒
雲各分席主人對君一撚鬚世上小草吾何知誰道
新篁發平地咫尺便有摩空勢嶰谷栽將鸞鳳音中
山盡吐龍蛇氣即看雨露天上來無數琅玕次第栽
主人不樂何為哉

袁履善惠芙蓉作雞珠兒歌遺我走筆謝之

索君贈我雞珠兒為我更作雞珠歌使我應接不能
暇欲讀廢食且柰何問余舊游吳水隈菱芙蓉貼水參
差開吳中女兒嬌可愛採得雞珠和菱賣當時解髮
林間卧頃刻便啖三千顆丹筐初傾歷落圓玉肌乍
剥溫柔露芳腴滿中更可人坐令蓮的無精神煮石
太硬苦費齒雞珠自是真僊餌一朝失足辭漁磯可
憐方朔長苦饑明朝神武挂冠去知余不為蓴絲歸

華負外改南司馬部分韻

華君自返蘇門嘯垂白公車待明詔司農權稅力不任

願得閒曹寄漁釣朝游采石訪李白夕向金陵歌謝
眺長安冠蓋者誰子珥玉紆朱互矜耀龍領欲結千
歲穴青春已隨東去曜鵝雛高逝腐鼠嚇鷓鴣卑棲
黃鵠咲君家學士亦如此碧山焚魚尚年少

征西將軍行

征西將軍者大同帥周君也客從北方來談
周君填撫事甚詳某喜而賦之

征西鐵冠雙縵胡結髮百戰當匈奴虎頭自是萬里
相猿臂能輕三石弧七更帥印控屬國再踏王庭擒
骨都白頭據鞍偏矍鑠赤膽懸胸何卓犖西河太守

血吮瘡護羗校尉躬持藥負土親填堠祿塞絕甘不
作嫖姚幕清秋候氣度刁斗中夜籌沙坐鈴閣傳烽
一點若星流便鑿凶門上臂鞬個個健兒探越練家
家少婦礪吳鉤爭道鴻毛等微命共祈龍額早封候
橫行要赭天山色獨立能高紫塞秋由來壯士矜才
氣耻學低眉事文吏兒女俱能道顏色公卿不見通
名字萬死常懷馬革心一歸羞作菟裘計天子臨軒
總第功賦詩談檄盡英雄誰更封侯并拜相李蔡爲
人在下中

壽寧侯故第歌

誰家甲第橫道周路人齊指壽寧侯空餘檠戟連雲
暗不見軒車學水流卧壁蠨蛸閒向暮當門烏雀亂
先秋道傍老翁眠不起自謂能言壽寧事貂珥那傳
就日功椒房已挾薰天勢當年兄弟同侍直白馬前
後黃金勒 天子宮中賜歡咲五侯門外看顏色有
時日晡復召宴龍鎖東華歸不得禿袖黃衫倚醉逃
別院春風墜香幘鄧山橫壓蜀雲低郭穴偏承漢露
滋去奪冠軍沁水里鑿成安樂定昆池初來後厠渾
疑錯乍入危樓意欲迷三尺珊瑚闥如意千金蹠躐
射彈碁歌屏掩翠鏡窺紅粧粉圍春肉障風急管繁

絃開永巷朱簾高棟勝離宮石家富貴乾坤小霍氏
功名旦夕空可憐世路同轉轂君恩覆水難再復西
第千甍不足居東門尺土翻相逐隴頭寒食麥飯青
若教無人餒鬼哭君不見羊腸峻阪危挿空後車肯
問前車覆

自從行送子賢兄判武定

自從書生好官職萬事都道書生力朱幡皂蓋者誰
子滿目瘡痍救不得我兄昔作東平日却罷逢迎勸
耕織問黨豪宗何頓咲郡國守相低顏色枳棘誰為
鳳凰歎鵝雛鵝雛頗遭老鵝雛嚇歸去旅葵堂上多種將菰
米湖田瘠去年汝出東平道父老初驚漸相識爭戲
濁酒肥雞猪為言童稚今有室棠樹已見堪把抱汝
髮何由尚如漆武定風土亦不惡臨別殷勤愴今昔
男兒光彩逐手生將相功名到頭識君不見漢家循
吏黃穎川亦要禾塵出三百

苦旱歌

君不見歲已在酉魃為虐五月黃塵恣飄瞥農家兒
女竊愁歎轆轤殷殷夜不絕原草新疑野火燒山田
久作十字裂我欲伸眉向誰說東南轉漕匱奔送西
北軍轂尚瀕洞來林不聞六事禱栢梁已上乾封頌

陰雲油油乍東至遠近懽呼鼓動地惡風忽從雲際
起頃刻蕩散歸天意青袍皂帶者何事中夜不眠坐
待旦三星在空月爛爛偶思東海亦可憐一婦橫死
枯三年京師賞罰未足笑李斯痛哭咸陽之市邊

吳郎行贈吳判官轉浙藩都事

吳郎醉罵金陵席騎馬却赴通州謫三載黯淡風塵
深始作江南幕中客吳郎濼落偃蹇且莫論爾是文
定尚書孫書生不及文定世父老猶傳孝皇事洛
陽長沙初拜相華容浮梁互相讓九重握手賜顏色
萬里君門若咫尺是時文定稱近臣深謀密語

上所親朝集鳳池間委珮即看魚水更何人由來大
厦須梁棟不獨文章為世重鼎湖忽攀龍馭髯寰海
但使蒼生慟只今相去四十載萬事那期一朝改玉
几沈深北極尊金魚寂寞青雲在嗚呼往事生新愁
我歌吳郎雙淚流聞道君王思故劍莫令衫袖濕

江州

森檜堂歌

結茆近城市不聞車馬聲一登丘公堂恍然遺世情
堂中何所見金石一千卷堂前何所植老檜參天三
百尺根出太古垂青銅霜皮剝鑿金芙蓉長空冥冥

舟州山人稿卷之六
六世終室
挂雲霧白日隱隱撐虬龍秋陰障大暑春色凌窮冬
秦皇若見之太山不得封羅蓋團晴恠枝偃少室嵩
壇道非遠樹杪遙飛瑟瑟泉望中高映層層巘摩娑
此檜公所栽天與一氣長崔嵬人間但看長年歲卑
枝亦是清廟材我聞闕里二千載祝融橫來復安在
虞山七星亦近古何處老翁更作主那得此檜還此
堂森然並矗公之鄉道傍過者詫相指千林喬木權
昂藏為公作歌重歎息丈夫立身須正直君不見丘
家堂前一老檜扶持尚有神明力

張將軍歌

張將軍虬髯鐵面勇絕倫雙臂直上見賊噴左騰右
蹕七尺身倏忽飛動威天神方印縛肘金麒麟是時
六月軍聲變羶塵蔽天不相見雲中健兒面如土妻
女倉皇淚飄霰將軍獨提其麾下意氣不數天山箭
關頭老弱數百騎酣呼赴軀逞一戰捉生鹵獲偏裨
任胡乃區區好趣便角聲忽從虜中出殺氣天昏縱
騰越弓刀感沸震風雨戈甲光芒耀日月將軍大叫
鼓聲絕吏士空拳奮白骨骨都當戶稍欲遁中原賊
臣教奔突漢兵如山自堅壁回看從校星迸逸頃刻
血肉俱零亂將軍頭顱辨不得胡兒叩鞍咋指歡喜

劇狼頭羽燾掃太白陰飈浙瑟燐火明落日慘澹鳥
獸匿男兒要在屍裹革人生百歲須有極雲中帥者
誰其儔十年之間梁與周親披荆棘開軍府躬起瘡
痍敗敵謀畢萬雖能老牖下李廣終然望徹侯將軍
繼之亦不惡可憐鳥壘終荒丘嗚呼北山石擲東園
噐肥酒大肉同千秋

題剡溪障子

晉有王子猷風流掩前輩高屐却公門拄笏馬曹歲
歸來百事稀種竹凡幾圍貪看鏡湖白坐失青山輝
風吹大空雪片片鏡中飛千巖鳥雀凍不喧田父墜

戶鑪頭眠孤棹蒼烟放歌去故人應在剡溪邊人間
戴生寧易得其若歸心浩還發空林無枝玉凌亂獨
破寒流載明月相逢稚子候荆扉東方漸高跡已微
偶然適意差足快千載何人勞是非誰為強被丹青
色令予欲訪山陰宅荻花茫茫不知路中夜披圖興
蕭瑟

送趙負外行邊歌

烽火夜照甘泉赤萬馬南來踏秋色漢家推轂三將
軍幕府羽書尚充斥塞內屯營稱戍已兵前擊柝連
朝夕射鳥小兒拜期門牧羊賈人助田宅紛紛爭覩

舟州山人稿卷之十六
世經堂刻
獻前籌寂寂誰同 天子憂朝貴俱投驃騎里書生
多著鷓鴣裘學得量沙任轉餉能言畫地便封侯趙
君自是關西俠平生報恩身似葉倚馬逡巡草檄文
論兵慷慨彈長缺已令野史傳循良復要雲臺策勛
業須臾持節按榆關金城形勢奏書還受降橫奪單
于膽長樂全迴 聖主顏不學蒙恬絕地脉誓同飛
將定天山鏡歌倘俯長城窟哀吹綠霜夜中發東都
甲第金滿闥京觀何人辨枯骨

俠客篇

七國養士何紛紛誰其雄者信陵君繫柝雍容據上
座鼓刀慷慨却秦軍其外碌碌諸公子借日迴春互
爭綺列鼎常食三千人俱簪珊瑚躡珠履就中脫穎
君不見一片雄心爲誰死燕丹恨秦貫白日易水東
流羽聲疾倚柱倨罵大事去惜哉不講刺劍術金丸
馬肝亦何益田光先生太倉卒咸陽擊筑變清調碧
血殷霜染秋草明月還輝博浪沙滄波豈沒齊王島
五陵射獵倚醉歸睚眦殺人無是非髡奴赫奕拜卿
相 天子威權下布衣黃金塢當中路走馬過之不
肯顧五花騮狐白裘輕薄少年非我儔四座酒莫傾
請聽俠客行海內萬事何言平袖中吳鉤霜雪明出

門一笑失所向十日大索長安城

賦得養龍池送莫膳部視貴州學

我聞貴竹羅施異西極兩山夾陂深莫測神物蜿蜒
走其上頃刻下降房星赤蜀王內廐五千匹雲錦叢
中逞顏色遙將萬里白玉墀奚官執鞚不敢騎囊沙
覆壓三百日辛苦風雲國士知麟鬣染汗珠絡驚秋
霜漬沫桃花明郊塵不動落日緩六飛恍若空中行
從此峰名號騰越詔圖真跡留神闕濠陽貴人凡幾
人雲閣勛名齊日月只今一百八十載高岩大澤依
在房星不明五星聚學士青衿盛文彩何當塞徼
多馳驅君王按圖空踟躕黃金築臺買死骨騏驎碌
碌悲益車君不見養龍坑旁雲氣薄咸陽首宿橫秋
漠長鳴發跡自有時誰其馭者今伯樂

謝生歌七夕送脫屣老人謝榛

長安送別今七夕北斗卓地銀河昊此時痛飲不快
意青衣行酒無顏色嗚嗚擊筑為秦鼓和以短缺霜
縱橫大白入手葡萄驚慷慨為爾歌平生謝生長河
朔竒筆破萬卷日月縱游翱乾坤任偃蹇開元以來
八百載少陵諸公竟安在精爽雖然付元氣骨格已
見沉滄海先朝北地復信陽一柱不障東瀾狂人握

隋珠戶和璧及吐中夜無精光謝家一甌椒漿水晨
興自薦開元鬼俯仰竄教俗子罵穀名肯傍豪賢起
妻孥生計環向愁掉頭且吟五嶽游青春斷不淹富
貴白眼何以干公侯趙王自是平原君玳簪珠履三
千八生衣短衣巾角巾握管從容踞上賓從此王名
賢好士濁漳往往成清醴座中誰出夷門右海內願
為公子死生豈不戀王家濡齷齪忍為轅下駒仰天
大笑失所向忽復束書來 帝都帝都雲霓接九衢
委巷獨滿群公車劇談塵尾擊吐壺囊中欲探一錢
無其時盧楠下濬獄白雪無功白雲辱九歌草就人
不知生也手持向人讀讀之未竟淚簌簌清霜倒飛
鬼神哭繡衣使者從天來幽谷煖吹鄒律灰懼穀欲
動黃金臺朝為俘囚夕貴客生言於柙何有哉憶初
識爾崔都尉何人不惜回天勢譎浪時存爾汝交酒
盞肯及縣官事乃知豪傑無不可嬰兒世態狎乳虎
片語能令萬象喘雄心直向千秋吐生今去余向何
所生不在天之上地之下前不值古人後不值來者
縱無長繩係汝足安能一揖輕相舍為言聚散等流
萍貫月查來可暫停明年牛女橋成夜指點依稀見
客星

贈通帥袁君正

憶昨匈奴十萬騎連烽上燭甘泉紅穹廬韋韞蔽原
野殷殷鼓角驅豐澤老人伏頸乃洗血少女椎結騎
花驄豈無棘門諸將士噤手欲墮烏號弓是時兵機
戒頃刻天子晝坐明光宮教倉積粟數百萬不救
齎敵何忽忽相言主臣幸無恙蠟書直入回重瞳
節符三發旌守土益以副帥今袁公袁也手提一長
劍燦如白雪凌崆峒恩收健兒共肝膽氣奪萬衆無
英雄旄頭疑冰胡馬盡太白八月秦關通將軍按甲
息餘勇轅門大旗橫朔風投壺雅歌太平事衽革嘗
膽將無同野人但憶城下辱太史猶聞書土木揮鞭
直踏燕然山一洗穹碑爲余讀

歌行長短三首贈梁公實謝病歸

公實汝胡遽爲別郊原黯淡無顏色未論咫尺即萬
里鴻飛冥森塞雲側南看舟揖北冠蓋落日滔滔豈
終極乾坤去住亦何限丈夫豈盡關胸臆適者吾醉
長安陌忽醒雙眼文章伯雄心頗折歷下生俠志燕
許淮南客徐卿慷慨見同調每語富貴真堪擲酒酣
吾歌獨能楚掀髯一笑秋天白亡何汝稱抱竒疾躑
躑下羨夷門卒裁成芟衣僅掩脛欲向空山採芝朮

嗚呼日月如汝留不得縮地迴顏竟何術千年好振
在五言萬事可足嬰公實

其二

南海明珠久寥寂貢來光彩傾都國漢宮照象豈不
賞汝抱欲重江湖色江湖秋寒毒龍卧至寶乃得還
其故冥冥青天走日月森森巨窟生烟霧長安邸中
按劍誰龜茲賈人泣相慕

其三

汝謀結室羅浮頂下飲僊人葛洪井桂樹宛宛山日
深松花濛濛白雲冷我亦僅買蜻蜒舟歸與少年為

薄游采蓮一曲杳然去得醉即卧清溪頭

醉中漫歌

貴亦一丈夫賤亦一丈夫昔脫短裘付酒鑪人人喚
我高陽徒有時醉獵南山下倒騎蕭家生秃駒人間
萬事無不作惟不能作平津客竭來十載游燕市眼
中茫茫盡堪白黃金縱積如丘陵何可枉沒長安城
且為盡買中山酒卧看悠悠世上名

擊鹿行

之首不肯避君鹿一擊波紅寫盤玉乍如錯落摧珊
瑚下泛碧海之醞醑伊尼右手大白左兩者並是神

僊祿已堪桓陸片時歡未煩楚漢諸公逐此生分絕
安期駕不死反並嵇康戮王子欲罷仍踟躕忽憶少
年諸獵徒驕騮蹶起匹練色日落不落雲模糊翻然
草際出此物銀牌隱項垂流蘇少年拓弓霹靂響鹿
也宛轉無前途霞綵雪縷袒分割一飽盡付黃公鑪
凋零佚氣久已甚忽復邁此萬事無徐君徐君且莫
歌丈夫失據當如何喬林曲苦平世無限苦復擾擾趨
田禾寧為披裘酌澗水鹿門山色青嵯峨不然老作
長安客豈異爾鹿嬰其羅嗚呼豈異爾鹿嬰其羅

別子與

江左吾與徐中行相逢一言心遂傾逢累世事豈足
齒所不驛然千載名吾其陰崖振孤木子獨陽野敷
群英殼華落落敢伯仲肝膽炯炯無平生憶為子昔
歌擊鹿豪氣盡壓長安城琥珀下墜鸞刀紫葡萄寒
摧大白明長歌自令浮雲合雙眼忽向高空橫驚枝
一羽破秋色萬象頰首隨南征荆軻曼聲漸離筑易
水凝流如欲鳴故鄉鱸魚無不有擊鮮者誰人得否
眼前豪傑難稱意君不見徐卿尚逐衣冠走

太原侯歌

元末閩寇起福寧守王公某暨其子力戰死

之妻亦以不辱死

海雲壓山書驅颶時危甲兵滿天地兒女走啼城不
開太原將軍怒裂背旌旗無光鼓聲死空拳欲呼奮
難起如林白刃凌秋霜茫茫四海一父子閨中婉孌
人共惜肯以蛾眉事讎敵夜光迸裂臙脂紅閩山草
樹增顏色豈無冠蓋諸商胡炊金切玉烹醪酥開門
夜半走大漠得不枉殺稱丈夫嗚呼得不枉殺稱丈
夫

送周一之從大將軍出塞

去年攬槍掃幽薊千村萬落俱狂胡漢家長技五不
一邊沙獵獵吹神都甘泉 天子赫威怒手授大將
雙雕孤幕下黃金三十萬紛紛俠兒辭酒壚強弩射
波裂鮫兕長劔斫石驚於菟靜如凝冰日慘淡動若
迅鷗天模糊誰其短裘誇揖客緩頰轅門奏竒策握
管能書實憲碑據鞍解草陳琳檄時從鈴閣借前籌
或向平津抗賓席俠兒豈無好身手出門低頭候顏
色兵起不定公侯相時來也着書生力今年太白秋
入月單于祭旗狼頭折粟馬青嘶蒲類烟洗刀赤染
渾邪血驅軍更奪燕支山胡中婦女愁無顏歸來
天子賜湯沐咲擁如花金市間

昌平侯鐵券歌

英皇昔日困魚服，慘淡四廟精靈哭。乾坤膏血付虜馬，烏鵲晝向行人啄。于公石帥獨當柄，指顧號令無翻覆。天下勤王頗不少，楊侯上谷能神速。鳴鞭游騎出飛狐，咋指單于遁。涿鹿侯氣已見平，吞虜左右弧矢垂。雙箠居庸關頭落日黃，飢卒盡飽降胡肉。新皇論功獨召宴，劍履醉向明光宿。貂蟬換出鷲妻子，犀玉手授稱腰腹。當時報功恨不極，促製鐵券黃金飾。無論此券一尺鐵，帶礪河山開社稷。百年倏忽豈更遠，里門不朱插荆棘。洛下唯聞許史封，邊陲尚指楊王力。即看鐵券黑似漆，金書黑如蠶。無顏色，豈唯金書無顏色。侯家子孫看不識，為道已巳年間事。始復吞轂淚填臆，昨者薊門火橫連。并泉北捷書未必當，賊鋒血戰還應長。見抑尚方之券陳如山，男兒赤手那可得。君不見濠梁勛舊奚足數，墳墓秋霜竄鼯鼠。于公喪元石帥族風塵久賴成，心膂

送徐汝思郎中使蜀慮囚兼悉鄙志

長安二月百花明，花間好鳥嚶其鳴。騎馬低回問所適，眼中何人一李生。李生為予賦白雪，擊節高歌唾壺缺。兩心炯炯中自知，至賞豈得逢人說。誰其之子

清而揚撫琴不彈絃意長高山流水偶自會浮雲落
日那能忘從此論詩更吾子予也開襟薦蘭芷沉鈞
溟渤紅珊瑚明月波光夜深起文章陸沉世所賤千
年得失人不見其若天涯生咫尺陌頭飛英亂飄霰
青絲鷓鴣桃葉馬徐卿持節稱使者傾城冠蓋走相
送衆中無言淚盈把漢天西盡有光輝詔許推環國
士知隴雲馬首三千折棧道猿轂十二時峨眉山深
白日照錦官溪冷東風吹巴人誦檄輸寶布夷女迎
船歌竹枝灩澦秋沉疾如矢白帝江陵七百里錦袍
嵬坐映江水徐卿丈夫當爾爾豈無故人王與李足
跡淒涼金馬門烽烟慷慨銅駝里古人恒悲生別離
灞橋水東不復西朱顏鬢髮有時易蕙質蘭芬應未
攜對君長揖藏吳鉤鷓鴣膏濕寒芒愁它日延津倘
相遇三星斗間銀漢流

贈李伯承之新喻令

平生寡所識識君恨不早到處誦新詩山東李白好
豈無長安一席地令汝却向青門道道傍車馬何喧
闐我欲試奏鍾期絃柔絲弱指凍不發玉軫金徽空
自憐掩淚持將贈君子相隨錦囊行萬里吟龍高調
結冰霜別鶴孤懷寄山水宓子風流竟惘然遙傳清

響下吳天期君一鼓南薰什莫咏琵琶江上篇

壽申封君歌題青鳥圖

君不見申公七尺虬髯蒼雙目稜稜紫石光賦成不
肯獻 天子大笑拂衣歸故鄉生駒挽弓三石強妙
舞劔器黃金裝解言報恩公子里亦曾結客少年場
懷中藍田雙白璧但令心知輕一擲歸來叩牀忽絕
倒綠酒新熟琥珀色何言中路多齟齬閉戶談玄學
冲舉石室時窺龍虎文洪崖亦送烟霞醕鄴河之旁
春卜居三花琪樹鬱庭間忽聞青鳥瑤池使啣得長
安 天子書囊中豈無羽化藥相期且盡人間樂

筵急管醉莫辭遲爾三山駕鸞鶴

燕山雪後歌

薊門十月玄風起吹塵夜合滹沱水似蝟還應縮馬
毛先車竟復紛狐趾歲暮天涯已足愁何當雨雪重
淹留沾裘起粟散頻禁龜手垂鞭凍不收慄慄危橋
冰柱折遙遙孤戍銅龍咽江頭已斷河伯書海上能
周使臣節薊門道旁烟火微薊門城中有光輝流蘇
鳳暖胡姬館韎韐貂輕公子衣百盞深巡渾不醉千
場縱獵未言歸復有董仇持漢權邀迎戚里釐交歡
解以重幃違晝夜能將炙手變炎寒此時誰惜空門

卧此際誰歌行路難雨雪偏摧薊門客丈夫母為厭
偏側不見臨河征戍兒暮枕琯戈照霜色

祝京兆法書歌

吳興公子二百載尺素徃徃流雲霞仲温急就散隸
色骨格雖爾風神賒狂鬼鷗張學士腕東海小兒竟
塗鴉鳳池綵筆難再問雞林高價徒相誇人間不識
祝京兆何處還逢書大家此君自稱枝指翁指間蠕
蠕出天工寒花夜發白兔鋒誰其贈者索與鍾少年
臨池亦已精晚節自喜愈縱橫當其得意繡素表一
掃萬古開精靈人云顛旭亦爾爾母乃大令更其名

恍如青天磬飛瀑崖翻石走風雷驚皂雕秋迴擊羽
墜綠耳電攝排空行蘭筋劔距時橫出逸態雄姿隨
手生邇來家雞輕野鷺却向真書大矜束即看京兆
更道絕小蘭游絲染明玉離離落日施荒草淡淡踈
烟里寒竹隣女捧心但益醜世人貴耳翻見辱玉樹
長埋呼不起儕輩聲名眼前死處處黃金購遺跡東
家覆瓿三尺紙自古文章亦如此

今昔行送袁荊州丈

十載之前頗能憶與子跌宕長安陌人間快事無不
有一醉兩見東方白我歌若舞各自愛日居月諸非

所惜胡塵一夜動薊門漢殿三秋問邊檄趨曹自是
小臣分扼腕豈仗書生力陳卿已賦蜀道難吾亦思
從季鷹策事往那能計容髮時來且辦生毛翮只今
子作荊州守列牙橫纛驅前後荊州小兒騎竹馬吏
人花間互奔走游刃理解萬事無抱牘絲棼片言剖
十日不治一日盡獄市豈足妨杯酒雄風書接夢澤
長壯氣濤連峽江吼都門把鞭話今昔紅塵萋萋迷萬
楊柳子若秋登落帽臺座上得少王生否

夕夢數惡賦此自解

湘簾碧梧秋一葉匡牀夜夜迷蝴蝶六候何煩辨吉
凶五秉未必根緣業由來蕉鹿妄紛紛尹氏那能勝
役人隴上行車隴下骨若看此夢定誰真

金州山人四部稿卷之十六



